

quibusque ex rationibus componantur valores ipsi numerorum, prout communiter expenduntur: aliàs necesse esset, nos versari in quadam obscurissima nocte, nec de re hujusmodi posset quidquam constitui, neque cognosci: quamquam verè nec populi multitudo, nec quantitas signatæ pecuniæ in ulla specie inihi possit; attamen intelligere (si id liqueret) quid inde eveniret, est quoddam lumen, cujus beneficio videmus, unde alterationes illæ contingunt, quæ ab externis causis proveniunt, & quomodo eas metiri liceret, si eorum, quæ exigimus, & petimus, voti compotes fieremus, verbo dicam, imaginem, ut in speculo videmus quidem, sed attingere non valemus.

Et hæc quidem quoad causas, quæ extrinsecus numis adveniunt, dicere oportebat. Verùm monetarum alterationi (quæ est altera hujus opusculi pars) cujus origo sita est in ipso numo, obviam iri posse, non dubitamus: siquidem justis valoribus semel constitutis, & sublatis rationibus, quibus aug-
 -sup
 A
 menta